



Rabu, 13 September 2023
Ogen: Perbahanen Rasul 16:14a



Perbinaga



Erbinaga eme sada dahin si lit i bas kegeluhen. Lit kalak si merluken sada-sada barang janah lit si nikapken kai siiperlukenna e. Guna ndatken si e banci saja lit nilai tukarna, duit bage pe lit ka ilakoken alu tukar barang (barter). Adi erbinaga tentuna nimai, kalak reh ndahi ras mindo barangta. E maka banci waktuta terbatas guna dahin-dahin sideban apai ka ersembah ku rumah pertoton.

I bas renungenta enda ituriken kerna si Lidia selaku sekalak perbinaga. Ia me kalak Eropa pemenana jadi kalak Kristen. Secara ekonomi banci ikataken ia bayak tapi ia mehuli dengen melumbar. Ia labo kalak Jahudi, ia ringan i Tiatira, sada kuta si i je terkenal alu industri bahan pewarna. Makeken sumber daya si lit ikutanna, Lidia makeken kesempatan enda seh pendahinna e me perbinaga uis, ungu rupana, paksa si e uis ungu enda e me uis si ipake kalak tertentu saja sabap meherna ergana. Enda ngatakenca maka Lidia e me sekalak pebisnis janah kalak si kreatif dengen ngidah peluang i bas bidang ekonomi. Kepeken kesuksesenna i bas dahin ras melala buatenna lit la erbahanca ia ndauh i bas pengajaren ras kiniteken. Kesibuken-kesibukenna sebage perbinaga la erbahanca ia nirangi penembahen man Dibata.

Erlajar arah kegeluhen Lidia enda, labo sitik diberu ntah pe Moria i bas jaman genduari enda enggo ngusih kegeluhen Lidia. Arah dahinna, arah kinibayakenna, enggo ia muat bagin i bas dahin si mehuli dengen la lupa ersembah man Dibata. Amin bage gia la ka sitik si megati teriket ku bas pendahin-pendahinna seh maka ersembah man Dibata labo iakapna kearusen. Sempat denga nge pagi, kenca melala terpupulung serpi, lang-lang kari kalak adi tutup kede ntah tokota. Perlu kal kita menyeimbangkan kegeluhen pertendin ras daging kulata.

➤ *Dahiken dahinndu alu tutus ras tetap ersembah alu tutus*